

## Sazupui (Rabbit) Vulh Dan Tlangpui

Sazupui hi a sa ei atan te, a hmul leh a vun thil dang siam chhuah leh atan te vulh ani ber. Senso tam vak lova vulh theih a nih vang leh khawlum leh vawt ah pawh an vulh puitlin theih avangin Mizoramah pawh a vulh chi hle.

### Hriattur Pawimawh te

Puitlin hun	Thla 5-6
No pai chhung	Ni 30-32
Kum khata no neih zat	Tum 4-5
No neih theih zat	6-7
Hmul to tan	Ni 4
Mit keu hun	Ni 10-14

Sazupui hi a sa ei chi leh a hmul meh chi a then theih a ni.

### A sa ei chi

A sa ei chi hi chi hrang hrang an awm a thla 2-3 ah ei an tling mai thin. A sa ei chi lar deuh te leh a puitling rih zawng

1. New Zealand white	: 3 Kg
2. Soviet Chinchilla	: 3 ½ Kg
3. White Giant	: 4 kg
4. Grey Giant	: 3 ½ Kg

### A hmul meh chi

German Angora leh Soviet Angora te hi chi larzual an ni. Hmun vawt deuh lamah an tha duh a hmun lum lutuk 35°C aia lumah chuan an tha fumfe lo. Kum khatah tum li vel an hmul a meh theih a Kg ½ vel a tling thei.

### A In sak dan

Sazupui hi lei a kua hreuh a leichhunga bu siam chi anni a amaherawhchu bawm emaw in siamsakah pawh tha takin an vulh theih. Sazupui pakhat tan Feet 2 bial a tawk a tin a no hruai lai tan Feet 4 a thuk Feet 2 a zau leh Feet 2 a sang a tawk

thawkhat hle. Thing emaw thirlen emaw hmanga a bawm siam theih a ni. A no neihna lai tur chu a phuiin a hul tha tur a ni. Tin, chaw pekna, zun leh ek thenna tha tak a awm bawk tur a ni.

### Chaw pek dan

An piantirhah hnute hnektrir tur a ni a, an lo len deuh hnuah hnah nem pek tel tur. Kar 4-5 hnuah an lak hran theih a tah chuan hnim hnah chi hrang hrang thlai bul leh zung wheat vai te favai te a chawm tur a ni. Sazupui hian ni tin chaw gram 120-150 vel an mamawh a a no hruai chuan gram 350-380 vel an mamawh. Tui thianghlim an mamawh reng bawk. Hun bi nei taka nitin vawi 2 chaw pek a tha.

### Natna langsar zualte

**Coccidiosis (Santen):** He natna hi a damdawi pek lawk a ven theih a ni. An in thianghlim taka enkawl leh an zun leh ek nen a inchiahpiah lo tur a tih hian a veng hle bawk.

**Mange (Vunphar)/Ear Canker (Beng Natna):** Heng hi natna hrik vun ei chhia a ti thak tu in a thlen a ni a damdawi hnawih chi (Ascabiol) hman tur a ni.

**Pneumonia (Snuffles/Pneumonia):** He natna an vei chuan an hnar atangin bawlhlawh a chhuak a an hahchhiau reng bawk. Penicilin leh Streptomycin hmanga enkawl tur a ni.

### Sazupui Vulh Thatna te

1. Thla 2 chhungin Kg 2 a rit an tling thei
2. A sa a hrisel in a rim a thiang bawk. cholesterol a tlem avangin thisen sang tan ei a pawi lo
3. A vun a nem tha a, a thianghlim a, a zang tha a, tui a pawm lovin a ro awl bawk



## SAZUPUI VULH DAN



KRISHI VIGYAN KENDRA  
LUNGLEI DISTRICT  
MIZORAM